

Рамазан Исрафилов

АГЪУЛ СУВАР

стихи на агульском языке

МАХАЧКАЛА 2021

**ИСРАФИЛОВ РАМАЗАН
САЛИМХАНОВИЧ**

БИОГРАФИЯ

В Агульском районе хорошо известно имя Рамазана Салимхановича Исрафилова. Его знают и как поэта и ученого, и как гуманиста.

Исрафилов Рамазан Салимханович родился в 1956 г. в селе Фите Агульского района. В 1975 г. закончил Тпигскую среднюю школу и поступил в Дагестанский государственный университет.

Исрафилов Рамазан Салимханович окончил два факультета ДГУ: факультет иностранных языков (1980) и филологический факультет (1991).

В 2001 году защитил кандидатскую диссертацию по педагогике на тему «Духовно-нравственное воспитание учащихся на традициях народов Дагестана», а 16 марта 2013 года за свою научную деятельность РАН присвоила ему ученое звание доцента, а 5 ноября 2014 г. - ученое звание профессора. Р.С. Исрафилов является автором более 60 научных трудов.

С первых же дней педагогической деятельности Р. Исрафилова началось и его поэтическое творчество, он публиковался в газетах «Вести Агула», «Молодежь Дагестана», «Дербентские новости» и в других печатных изданиях.

Свою творческую деятельность Рамазан Исрафилов начал как поэт, пишущий на русском языке.

С появлением письменности на родном языке, он начал писать стихотворения и на агульском языке и переводить их на русский.

Тематика поэзии Р.Исрафилова довольно обширна: он пишет о любви, о красоте родного края, о своем народе.

Язык его поэтических произведений прост и ясен, но в тоже время глубок и метафоричен. Чувствуется глубокое владение автором родным языком.

В основном, по воспоминаниям поэта, стихи он сочинял по утрам, поэт считал, что каждому человеку утренняя красота и свежесть дает совсем иную картину мира, иное видение и понимание смысла человеческой жизни.

В стихотворении «Агъул чӀал» («Агульский язык») поэт сравнивает родной язык с чистым горным родником. Он восхваляет родной язык, считает, что родной язык - самый лучший цветок, самый яркий солнца луч. Поэт призывает в своих произведениях любить родной язык также как, родную мать:

*Ширин ругъу булах э,
ЮркӀуран вун мурад э
Ке батӀар вун цӀантук э
Хьин гьургъае агъул чӀал*

*С горным сравним родником
Язык ты мой - агульский.
Льешься весенним дождем
Язык мой голосистый!*

Р.С. Исрафилов всегда стремился к идеальному, лучшему, ценному, избавляясь от всего плохого и вредного.

Читая произведения автора, видим его острый ум, человечность, душевную чистоту, порядочность. Он как человек, поэт и ученый славен своим трудом, который приносит людям радость.

кандидат филологических наук Н.Р.Исрафилов

СУВАРИС

Арсуран ранг фацуна
Суварис дифар вея
Зе уларис агуна,
ЮрКІуралас вейдава

Марфар угъай, джил къешай
Ягъар вея цулана
ТагІди хъуна Чирагъ-чай,
Сурат кІари акъуна

Гъава сувар Агъул а,
Дифари чаб ацІуна
Зун дагъаран кІилил а,
Заварин хед фацуна

Къизилдин нур адина
Ме хъе гъава суварис
Кканиттихъас руцуна
Агундава уларис

Цулин ягъар Агъулди
ЦІакІинар фай адирай
Рушар хъая хъехъ булди
ЦІакІинар хъас цулана

АГЪУЛАРИС

Марфар хьурай хьидана
Емишар хьас цулана
Гурдин джагвар ибхьерил
Рази хьасе хьин вари

Агъул район бициф э,
Амма уч зас ширин э
Че зурба агъуларис —
Чугъ сагъул зе дусттарис

Агъул чІал зе булах э,
Агъул район ватан э
Зе райондин инсанар
ФидахІан зас кканеф э.

Идже усар, ппара а,
Инсанар чаб ппара а
Агъул чІал гъургъа инсан
ФидахІан зас ширин э

Ширин гъургъай ду чІалар —
Мертти ругъу булахар
Зе ватандин агъулар —
Зурба игит инсанар.

БУЛАХАР

Фи ухътан э булахар,
Ширин э ругъу хъеттар
Гъургъай а музи чІалар,
Ругъу хъеттин булахар

Гъази чІири а тукар,
Агучинра юркІ ацІай
Заварилас вей дифар
Джигъил джан сарин акъай

Шавурди кучи ягъуй
КІвалвей ви ругъу хъед
Ге вахттуні час ккандуй
Ви булахин ругъу хъед

Агъуларин Чирагъ-чай
Ккасппи гъуьлис вея
Агъуларин Чирагъ-чай
Гъар тукунис нур ицІай

Булахарин тІинкІари
Агъуларин Чирагъ-чай
А че ухътан сувари
Мертте хъеттин булахар

АГУЛАРИН ДИШЕГЪЛИ

Арсуран гаджинар фай
Булахил рушар вея
Маг1ни акъай зав рухай
Инсанар муьх1тал вея.

Агъуларин дишегъли
Валас бат1арф адава.
Ми хьи гъава суvari
Вун дакъу кар андава

Фи бат1ар и агъул руш,
Гушуй агу эмк1 суман
Фи бат1ар и агъул руш
Джайнатин уч багъ суман

Ми дуьньяди, дуьньяди
Идже рушар ппара а
Зас кканифра вун иди
Агъуларин дишегъли

ЦІАКІІНАР

Агъул хІури цІакІинар,
Ппара вея цулана.
Тукар суман а рушар,
Зе юркІурас дивуна.

Хунчабур удигъ хъурай,
Шадвел хъин ппара акъас.
МагІни акъай руш хъурай,
Пашман юркІвар шад акъас.

Лихъун акъай джил зурзай,
Че хІури цІакІин вея.
МагІни акъай зав рухай,
Инсанар мухІтал вея.

БатІар сус зас дагушин,
Фиштти хъасе цІакІинар.
Ккане руш зас дахъушин,
Фиштти хъасе цІакІинар

АГЪУЛАРИН РУШ

Руш дава вун цлантук и
Рагъун суман нур айеф
Ми хьи гъава суvari
Гъинас и гъан вун кканеф

Агъуларин батлар руш
Хилиас къизил вея
Зи юркъурас хъуна хуш,
Вун дагвай деллу вея

Ми хьи гъава суvari
Гъинас и гъан вун кканеф
Зи юрк1урас хъуна хуш,
Вун дагвай деллу вея

Яраб вун Лейли и гъан
Междунас къисмат дахъуф.
Юрк1уран хиял и гъан
Джигъиларин джан угуф.

АГЪУЛ ЧІАЛ

Ширин ругъу булах э,
ЮркІуран вун мурад э
Ке батІар вун цІантук э
Хьин гьургъае агъул чІал

Къизил рагъун нур суман,
Вун уларин экв суман,
Дардунин дарман суман
Дуьньяди хье агъул чІал

Рухай вун зурна суман
Кканвей вун час баб суман
Бабас учин кІиркІ суман
Хье ватандин агъул чІал

Чирагъ-чай вей багъларис,
Къува ицІай дарарис
Дифар вея дерейис
БицІи халкъдин агъул чІал

Вун гулушин зун кІесе,
Чин ппара бахсуз хьасе
Агъуларин девлет э
Ме батІар хье агъул чІал

ДВОЙКА

Зас хьуни накъ двойка
Ппара азман рудж хъаеф.
Зе дусттурас пятеркка
Иджи батIар инчI фаеф.

Адини зун чи хулас,
Начди раkk зун дахъуне.
Хъундава бабас упас,
ГучIай гучIай гъузуне.

Идже ихин дусттурас
Гъукай хулас адеттис.
Учин пятеркка бабас
Ге зурбади фадеттис.

Хабра хъасе къал макъал
Накъра суман чи хула
Шатте ая дустт Камал,
Фадаркай ширин пилав.

Джегълем хъурай двойка,
МидахIан зун душман акъуф.
Джан даван уч пятеркка
Хизанар рази акъуф.

ДУСТТАРИС

За хъае цIуппе дусттар
Гъамиша бахттлу хъурай.
Чиппе хъае душманар,
Агун гулун ушурай.

За хъае цIиппе дусттар
Гъамиша идже хъурай.
Гебури агъа чIалар
Зи джандис дарман хъурай.

За хъае цIиппе дусттар,
Уьмурдин ерхи хъурай.
Чиппе хъае хизанар
Гъамиша рази хъурай.

За хъас цIиппе дусттар
Захъас чаб кам дакъурай.
Чиппе аркъае курар
Хаер кеетар хъурай.

БАБАН ХИЛАР

Фи упушра дуьньяди,
Вун суманф уч хьасттава.
Хье бабарин хиларис,
РахIетвел агундава.

Агьуларин дишегьли,
Валас батIарф адава
Ме гьава хье суварис
Вун дакъу кар андава

Хиларис зегьмат ппара
Бабарин хье агуна
Ме дуьньяди вун сара
Фикьушра джикIесттава

Фи батIарф э агьул руш
Хилиас къизил вереф
Чугь сагьул вас, агьул руш
Зе ватанди вун аеф

Бабан хилари зегьмат
Вахъас ппара дивуна
Хула хьасе баракат
Бабан чIалар фацуна.

СА БАБ

Фиштти инсан вун хьушра,
ФидахІан вун руцушра,
Баб далара адава,
Цантукилас батІарфра

Мертти ругъу булахин,
Арсуран нур суварин,
Экв э вун зе уларин,
Захъ хъае вун баб ширин.

Варха рекъус зун веси,
Захъас Іэшаф вун хъасе
Іушуй ахун адавай
Вахъ гъузуна баб хъасе

Баб э гъан дарман э гъан
Дуьньядилаc весигъан
Валас батІарф уч инсан
Ме дуьньяди хъасе гъан

Ме дуьньяди вун э гъан,
Са минути зас агуф
Агуна гулунигъан
Са иджевелра дахъуф

Ме дуьньяди вун э гъан,
ЮркІуралас зе девеф
Вун зас агуф эмкІ э гъан
Са минути зас агуф.

РУШАРИС

Батлар рушар бабарин
Зурба курар акъибай
Хъасе хъе юркIвар сакин
Бабан чIалар фацибай

Зун упасе квес чIалар
ЮркIуралас деветтар
Зун ликIенасе кIиджар
Ме дуьньяди ширинттар

Руш хулан вун баракат
Ке батларди агурай
Кардис акъай хIаракат
Гъамишанди вун хъурай

Ме хъе гъава суварис
Тукарин ранг адирай
Ме хъе мурад сусарис
Бахттлу ягъар агурай

Агъул ппара рушар а,
Тукуласра батIарттар
Гъар са хIури рушар а,
Агушин юркI ацIаттар

Зурба суман аеттар
Зе ватандин инсанар
Гъава суварин тукар
Квес ухшари че рушар.

ДУЪНЪЯДИН ДАРДАР

Куъли заварин хедар
Улар ирхей куъная
Джанди кейи хиялар
Агун гулун вейдава

Гъази чЇри а тукар
Гъар рангари ацЇуттар
Уларилас вея нигъвар
Зи джан угас ккейиттар

Фиштти хъаси дуънъяди,
Куън зас упай чЇалар
Шад хъаси юркЇ душмандин
Хъандавашин захъ дусттар

Зурба дадан уч геда
Душмандин хула махъа
Иджи гафар упушра
КЇейитикес дустт макъа

ЗУРБАБУРИС

Иджеф агъай вас хІури,
Инсан суман вун ая
Вал рази э чин вари,
Зурба суман руца

Зурбабур ппара хъурай,
Агъул район ацІурай
Дадар бабар шад акъай,
Гъамиша бахттлу хъурай

Вун ІухІу дадас бабас,
Учис чугъ сагъул хъурай
Зурба геда вун, Ильяс,
Вун Аллагъди ІухІурай

Дарсар идже вун хурай,
Зурба упун ттур ая
Хула кумакар аркъай,
Баб ппара рази вея

ХІурмат акъай ахІеттис,
Кумак акъай Іусеттис
Идже дустт вун бицІеттис,
Салам ицІай адеттис

Зурбабур ппара хъурай,
Агъул район ацІурай
Дадар бабар шад акъай,
Куьн Аллагъди ІухІурай.

АЛЧАГЪАРИС

Джан угая дардари
Алчагъар ппара хъуна
Ме гъава хъе усари
Алчагъар къудур хъуна

Ме дуьньяди алчагъар
ФидахІан салхуш хъуна
Гебури агъа чІалар
Вари зас къулкъул хъуна

Даш-баш ицІай алчагъар
Къулугъарин вартт вея
Аркъай ширин чІалар
Чиппин курар дуьз вея

Мертти инсан дуьньяди
ФидахІан бахсуз хъуна
Ме хъе гъава суvari
Алчагъар алтар хъуна

Дуьнья хъикай чаб дацІай
ФидахІан чаб бул хъуна
Зун суманттар адавай
Вари курар фацуна

Хъе кардин начальникар
Хъе кІилис бала хъуна
Алчагъарис чаб дусттар
Саса инсанар хъуна.

ИНСАНАРИС

Ме дуьньяди, вун инсан,
Юхсуз, бахсуз дахьурай
Хьасе вун ппара пашман
Намус гулуф дахьурай

Нанди ичра, вун инсан,
Зурба суман агурай
Хьасттава ли вас дарман,
ЧирхIе инсан дахьурай

Намус гулуф уч инсан
Дуьньядира дахьурай
Бабас хьу аман-заман
Вун ппара бахтглу хьурай

Четин ягъар адасе,
Шатти исара весе,
Фиштти ичра хьин хьасе,
БатIарфра Iусе хьасе

Гъамишанди, вун инсан,
Рагъу суман нур ирай
Хаб ликIесе зун кIиджар
Ппара, ппара ширинттар

ВАТАН

Вун дуьнья гьинанф эгъан,
Алчагъари чӀир акъуф.
Вун дуьнья гьинанф эгъан,
Дардари зи джан угуф.

Зи ухътан ширин ватан,
ФидахӀан касиб хъуна.
Зи гуджлу батӀар ватан,
ФидахӀан чӀирхӀе хъуна.

Вун дуьнья гьинанф эгъан,
ЛидахӀан дагӀвубур хъуф.
Вун дуьнья гьинаф эгъан,
Инсанарин джан угуф

Хъуна кканде дуьньяди
Иджи батӀар Ӏадатар
Час Горбачова дуьньяди
Агваракъуни Ӏаламатар

Вун дуьнья гьинанф эгъан,
Ӏадатар вун чӀир акъуф
Вун дуьнья гьинанф эгъан,
Касибарин джан угуф.

КЪУЛУГЪЧИ

Къулугъарин ахІафи,
ХІуринттарис душмани.
ЧІирхи велдин фурсари,
Амма учра алчагъ и.

ХІурмат хъурай аради,
Варибурис вун кканди.
Вари хъин Іуси хъаси,
Кум суман исар веси.

Варибурис багъа и,
Зуна сатти етим и.
Ви акъулра ппара и,
Юхсузарис душмани

БАХТТ

БицИи бахтт хула хьурай,
Пашман юркIар шад акьай
ХIуни хье сала хьурай,
БицИттарис неkk ицIай

КIиркIар зурбабур хьурай,
Гусе дад рази акьай,
Идже рушар хьехъ хьурай
Тукар суман хьес агвай

Агъулар бахттлу хьурай
БицИи район вартт акьай
Сад садис салам ицIай
Шатти Iумур хье хьурай

Ме дуьнья сакин хьурай,
Ижевелар хьес агвай
ЧIирхе инсан уч кIирай
Ге уларис дагурай

Хьурай сара дуьньяди,
Фишра дагвай Iаджизди
Ме ерхе хье Iумурди
Гьамишанди хьин дуьзди

БИЦІИ ГЕДА

Хье хула айи бицІи геда
ЮркІуран хье муради.
Хье хула айи бицІи геда
Дадан бабан девлети.

Хье хула айи бицІи геда
ГъалидахІан хьес кканвей
Учи акъушин упуф дада,
ФидахІан хьин рази вей

БицІи гедабури даваттар
Са усара дакъурай
Чиппин дада баба агъаттар
Гъамишанди акъурай.

Хье хула айи бицІи геда
Дадас бабас куъмеки.
Вун акъи упуф дада
Бабра вал рази хъасе

Зегъмет дадан, бабан ппара э
БицІи геда ахІмакъ э.
Учра дад суман хъасе
Хье зегъмет къадри хъасе.

ДУЪНЪЯДИ

Ме дуънъя хъес инаефи
Инсанар суман руцас
Вун дуънъядис адефи
Дадра бабра шад акъас

Бабан зегъмат ппара и,
Васра зегъмат агвай и
Вун дуънъядин инсани,
Валди ягъар адаси

Дуънъяди дардар ппара
Хъес дагІвубур агуна
Хъасттавахин хъес чара,
Хъе курар хъин дакъуна

Ме дуънъяди кар дава,
Инсанар чаб чІирхъуна
Агъаттар акъай дава,
Модни шейар кканхъуна

ЧІирхеф иджеф хъес агвай
Ягъар исар хъе вея,
Турецки шейар гъушай
Инсанар делу вея.

ПАЙ ДАЕ ЕТИМ

Марфар угъай хІурари
Етиман джан угая
ЮркІ ацуна дардари
Дуьньяди зун руцаа

Зарфелиас хъед суман
Тили вей хулас, етим
Фурсар кейи хан суман
Къунши руцай ви, етим

Пашман вея джигъилар
Адава хин цакинар
Акас кканди лихъунар
Гъузуна батлар рушар

Фиштти хъаси дуьньяди
Баб хъандава етим руш
Валас чІирхе рушари
Фурсар акъай, етим руш

Кумак акъаф хъастава
Килихъ садра хъастава
Касиб кканеф адава
Касибвел лазим дава

Дуьнья даеф вун, етим,
Дадра бабра хъандаваф
Ппара пул хъаеф, етим,
Вун хІисабикк ккедаваф.

ИНСАН ЕТИМ ДАХЪУРАЙ

Инсан етим дахъурай
Ме дуьнья учис даеф
Инсан бахттсуз дахъурай
Сатти уч хулла аеф

Пул адавай джибуна
Вахъай ухай дусттари
Ккандава вун агуна
Маса еси чулари

Инсан етим дахъурай
Пул хъае инсанарис
Вун герибурис дагурай,
Ккан хъастава уларис

Етим агъай аруцай,
Майил чара хъадавай,
Вун дуьньяди дахъурай,
Гьинакра муш кедавай

Инсан етим дахъурай
Вун хІисабик ккедавай
Гьарти са чІалар агъай,
Вун дуьньяди дахъурай

Дуьнья йирай ижеттис
Даерай уч Іаеттис
Шадвел хъурай мерттетис,
Хьин ккане инсанарис.

МЕ ДУЪНЬЯ

Ме дуънья дуънья дава,
Ме дуънья са шей дава
Ме дуъньдин дардари
Ки́л гъава зи хъундава

Перестройка вун агъай,
Ппара инчIар вун акъай,
БарбатI акъуни дуънья
Вари шейар багъа вей

Машинар ппара хъуна,
Ариш вариш вартт хъуна
Касиб инсан Iаджизди
Iашай рухай гъузуна

Ме дуънья дуънья дава,
Гъинасра вун ккандава
Пул хъадава уч инсан
Агунара ккандава

Касиб геда зун хъуни,
Хъайи дусттар гулуни
Пулар ппара хъудахIан
Инсанар къудур хъуни

Инсанвел дагулурай
Шатти ягъар адирай
Чи́р дахъурай хъе хIукмат
Инсанар бахттлу хъурай

Ц У Л

Къизилдин нур адина
Даран цабус цулана
Джил фацуна вей дифар
Гьер вахттуни цулана

Кулак тIушай цулана,
Марфар угъай цулана
Булди ая емишар
Гьер вахттуни цулана

Малар хIуппар кук хьуна
Гъзуна хье цулана
Фи кканчра джикIея хьин
Гьер вахттуни цулана

Тумар узас вахтт хьуни,
ГIулин ягъар гулуни
Мектабис хьин веяхин
Гьер вахттуни цулана.

І У Р Д

Вас упасе зун чІалар
БицІи-бицІи ширинттар
Іурдин вей микІил ягъар
ФидахІан чаб цІиппеттар

Джилар ая рукъ суман,
Меркквар ая гъан суман
Джагвар адиял суман,
Джил фацай пачІагъ суман

Рази э вал шиникквар,
Ппара аркъай даваттар
Акъай ибхьерин туппар,
Чиппин гъаекай ягъар

Маләрис вун рахІат э,
Инсанар вал рази э
Вун адаваш дуьньяди
ФидахІан чин Іаджиз э.

АГЪУЛАРИН ИНСАНАР

Арсуран хІур кум суман
АлацІуна ибхъери
Куъли Іадиял суман
Фацуна хІур дифари.

Агъуларин че сувар
Гъар тукари ацІуна
Угъайи джагвар ибхъер
Че суварис цулана.

Агъуларин Чирагъ-чай
Вун халкъарис къизил э
Агъуларин Чарагъ-чай
Варибурис дарман э.

Мугъу дере ватандин
Гъамиша майдан хъурай
Че инсанар Агъулди
Шатти сагъди адирай

Агъулар чин чІукъ ая,
Зурбабур ппара хъая
Гъар усари чин ая,
Зурбавелдин ттур ая.

Зе ватан э уч Агъул,
Арсуран рухар аеф.
Зе ватан э уч Агъул,
Зурба инсанар аеф.

Че инсанар агъулар
Нанди ичра чаб ая
Куьн упай идже чІалар
Зурбавелдин ттур ая.

ЗЕ ВАТАНДИН АГЪУЛАР

Зе ватандин агъулар,
Зун упаси квес чІалар
Варибурис ширингтар,
ЮркІуралас деветтар

Я, агъулар, агъулар,
БицІи халкъдин инсанар
Ругъу хъеттар ухаттар,
Гъава сува аеттар

Сагъ акъурай агъулар,
Зурбасуман аеттар
Мертти курар акъаттар,
Инсан суман руцаттар

Зе ватандин агъулар,
МидахІан зас канеттар
Фи упушра хьин чІалар
Хъес хьин салам ицаттар

Я, инсанар-агъулар,
Са районди аеттар,
Са чӀалалди гъургъаттар,
Са Іадатар хъаеттар

Зе ватандин агъулар,
Сад садилди вереттар
Чиппин намус ухӀаттар
Зурбасуман аеттар

Инсанар суман тӀушаттар
Зас иджевел акъаттар
Зе ватандин агъулар,
МидахӀан зас канеттар

ФАТИМАТ

Фи батлар вун руш даван,
Хлаеф э вас хьас члалан
Зе джандис дарман суман
Вун дуьньяди, Фатимат

Зурба суман руца,
Ме дуьньяди вун ая.
Фи ухьтанди агвая,
Варибурис, Фатимат.

Вун суманф уч хьасттава,
Руцушра джиклесттава.
Валас батларф адава
Ме дуьньяди, Фатимат.

Хула ае баракат,
Кардис э вун хларакат.
Вакес ппара муфалат
Ширин джандис, Фатимат.

Тук э гьан, цлантук э гьан
Вун дала адава гьан,
Вун Аллагъди еф э гьан
Фи гуьрчег вун, Фатимат

Ме рагъун вун нур суман,
Дагъларин джейран суман
Суварин булах суман
Дуьньяди а, Фатимат

Чалар э ви зас ширин
Вас дахьурай зе улин
Руш э вун варха хлурин
Ле батлар вун, Фатимат

КУРИГЪАРИН ФАТИМАТ

Куригъарин Фатимат
Зурбаведи ттур хьуни.
Агъуларин Хлабибит
Вун агуф делу хьуни

Фидж хьаси гъан дуьньяди
Валас гуьрчег руш агъаф.
Хьасттава ми дуьньяди
Валас чирхе гаф акъаф.

Джайнатин Хлурипери
Вун агуф лашай хьуни.
Ми хьи гъава суvari
Са цлантук-руш вун хьуни.

Хулас и вун баракат
Гъар кардис вун хларакат.
Куригъарин Фатимат
Вал вей вари лаламат.

Іашукъарис инчІ акъуш
Вари чаб лаблаб хъаси
Яраб вун магІни акъуш
Делу Меджнум сагъ хъаси

БатІарф агъай уч Лейли
Дуьньяди адаркуни.
Вун агуна ги Лейли
ЧІал фацуна гъузуні.

ФатІимат руш юркурас,
Вун агуф зи дивуни.
Вун адиф зас Куригъас
Дуьнья зас джайнат хъуни.



ФАТІИМАТ РУШ ФАТІИМАТ

Къизил рагъун нур суман,
Дардунин дарман суман,
Ширин вун емиш суман
Фатіимат руш, Фатіимат

Джагвар ибхьер сувари,
ЮркI ацуна дардари.
Канивелдин гъунари
Фатіимат руш, Фатіимат

Суварин джейран и гъан,
Вун батIар цантук и гъан,
Валас ширин хъаси гъан,
Фатіимат руш, Фатіимат

Джигъил джан сакин дава,
Вун далара ккандава.
Вун суман руш хъасттава
Фатіимат руш, Фатіимат

Яраб вун андавашин,
Вун уларис дагушин.
Зунра кIеси гулушин
Фатіимат руш, Фатіимат

Арсуран нур суварин,
Мертти дифар заварин
ЮркIурас вун зи ширин
Фатіимат руш, Фатіимат

ЧИРХЕ ГЕДА ДАХЪУРАЙ

Чирхе геда дахъурай,
Дуьньядис уч дайирай
Уларисра дагурай,
Бабахъра уч дахъурай

Идже батIар руш хъурай
Рагъу суман нур ицIай
Идже курар акъурай,
Дадра бабра шад акъай


Чирхе геда дахъурай,
Бабан юркI пашман акъай
Уларис уч дагурай,
Зурба дад уджуз акъай

Идже батIар руш хъурай
Хула кумакар акъай
Нанди ачра щад акъай,
Учин намус ухурай

Чирхе геда дахъурай,
Учи уч бахсуз акъай
ХIуринттар, делу акъай,
Дуьньядил уч дахъурай

Идже батIар руш хъурай
Дадан ттур багъа акъай
Уч Аллагъди ухIурай;
Учис баркала агъай

Чирхе гедә дахьурай,
Инсанар бизар акьай
Бабан луьмур пуч акьай
Дуьньядил уч дахьурай



ЗЕ ЧІАЛАР ДУСТТАРИС

Зун зе чІалар упасе
Юркіуралас деветтар
Мус хьунара кІвал хьасе,
Дусттарис зун упутар

Махъанай ширин чІалар
Зун дуьньяди дакканшин
Махъанай куьн, зас дусттар,
Четин ягъуй гулушин

Дусттар дава инсанар,
ЧІирхе фикир хьаеттар
Зун упунае чІалар
Кканхьугана гулаттар

Бахттлу хьурай зе дусттар
Гьамишан захъ хьаеттар
Гебур залде адасе
Дусттар герек хьасе

ФидахІан хьин упушра,
Дустт хьадавай дахьурай
Дусттарик муш кехьурай
Хьехьас чаб камдакьурай

СОДЕРЖАНИЕ

Биография	3
Суварис	5
Агъуларис	6
Булахар	7
Агъларин дншегъли	8
Цакъинар	9
Агъуларин руш	10
Агъул ч'ал	11
Двойка	12
Дустгарис	13
Бабан хилар	14
Са баб	15
Рушарис	16
Дуьньядин дардар	17
Зурбабурис	18
Алчагъарис	19
Инсанарис	20
Ватан	21
Къулугъчи	22
Бахт	23
Биц'и геда	24
Дуьньяди	25
Пай дае етим	26
Инсан етим дахъурай	27
Ме дуьнья	28
Цул	29
Гурд	30
Агъуларин инсанар	31
Зе ватандин агъулар	32
Фат'имат	34
Куригъарин Фат'имат	35
Фат'имат руш Фат'имат	37
Ч'ирхе геда дахъурай	38
Зе ч'алар дустгарис	40

Р.С. Ибрафиллов

АГЪУЛАРИН БУЛАХАР



И.И. Ибрафиллов

И.И. Ибрафиллов



Почвен агулъского поэта
Р.С. Ибрафиллова




Рамазан Ибрафиллов

ЗЕ ВАТАНДИН АГЪУЛАР

Рамазан Ибрафиллов

*Мои
кунелеты*



Агъул чІал ишкларик

ФитІарин нугъат



Агульский язык в картинках
Фитинский говор



АГЪУЛ СУВАР

стихи на агульском языке

**ИСРАФИЛОВ РАМАЗАН
САЛИМХАНОВИЧ**

Гарнитура «Таймс» Печать ризографная
Усл. п. л. 2,5. Тираж 300 экз.
Отпечатано в Издат. Центре
г. Махачкала, ул. М.Ярагского 55а